

Verum enimvero ne heic Codro & Codrisequis ex ipso Codro respondeamus, *Nemo vos seducat, nemo eloquentia & dulcibus verbis persuadeat*, novimus enim quod Senatus Romanus Carneadi 17 Academico silentium in Urbe imposuerit, eò rem deducturo, ut civium ingenia Oratorio furo corrumpere, & ad improbitatem ac nequitiam à fide & à virtute traducerentur; novimus quoq; ex Cicerone & Valerio M. Hegesiam 18. Cyrenaicum, dum miserandâ imagine malorum humanorum eloquentissimo sermone repræsentatâ multis voluntariæ mortis oppetendæ cupiditatem ingeneraret, à rege Ptolemæo ulterius hâc de re disserere fuisse prohibitum: Ne quoq; istud adferamus, *aliud esse historias de rebus verè ita gestis & consensu gravissimorum autorum confirmatis, aliud ipsas, quæ à Mythologis ita sunt excogitatae, fabulas & figmenta, affanias & mendacia, quibus*

Jupiter infamat seq; suamq; domum 19 factus enim fuit

Ζεὺς κύκνος, τῆυρες, σάτυρος, χρυσοῦς δι' ἔρωτα  
Ἀθήνης, Ευρώπης, Ἀντιόπης, Δανάης.

20 Delius in corvo, proles Semelèia capro,  
fele soror Phoebi, niveâ Saturnia vaccâ,  
pisce Venus latuit, Cyllenius ibidis alis,  
quæ & alia plura quovis Stentore fortiùs proclamare posset ille ex Madaurâ asinus Platonius, namq; falsiùs & eruditiùs percensuit Christiani nominis scriptorum Varro Arnobius in *septem libb. Disputation. adversus Gentes:*

B quam-

(17) Quintilian. lib. XII. Instit. c. 1. Plinius lib. VII. Histor. Natural. c. 30. Lactant. lib. V. Institut. c. 15. & 18. Agellius lib. XVII. c. 21. & ex his Muretus orat. V. Voluminis II. (18) Cicero lib. I. Tuscul. 29. Valer. Max. lib. II. c. 9. (19) Propert. lib. III. eleg. 9. (20) Ovidius Metam. V.